

Graf Johann Peter von Sax-Misox übergibt dem Feldkircher Bürger Ulrich Zoller das Patronatsrecht an der Kirche Triesen.

Or. (A), Bischöfliches A Chur, 014.1813. – Pg. 41,5/25 (Plica 5,5) cm. – Siegel von Johann Peter von Sax-Misox abh. – Rückvermerk: Zoller vonn Veltkirch vmb lehnschaft der pfründen^{a)} Trisa von vbergab graf Hansen von Mosax etc.

l¹ ¶ Wir^{b)} ¶ Johans Petter grafe zū Mösax¹ bekennen vnd thuen kund allermänglich mit dem briefe fur vns vnd alle vnser erbn, l² das wir den erbern, vnnsern lieben besondern V^olrichen Zoller, burgere zū Veldkirch¹, vmb sinr vilfälliger manicher diennst- l³ barkeit willen, er vns gar oft gütwillennlich bezögt vnd ouch furo wol thūn sol vnd mag, vnd der sondern naigung nach, l⁴ wir deshalb zū im tragende, frywillennlich begaubt im vnd sinen erben in rechter vbergaubs weise zūgefugt vnd thuen inen l⁵ ouch^{a)} jetz in kraft ditz briefs vnnser gerechtigkeit, vns an der lehnschaft der pfrund vnd pfarre zū Trisa³ by Fadutz⁴ gelegen gepur- l⁶ lichen zūstende, die wir vns ouch furnämlich vnd mit sonnderhait in dem verkouf vnnser grafschaft Wertemberg⁵ vber- l⁷ halten haben, ergeben vnd zūfugen, wie dann das jetz vnd kunftiglich vor allen vnd jeden gaistlichen vnd weltlichen l⁸ luten, richtere vnd gerichtent bestand, furgang vnd kraft haben sol vnd mag on mengelichs widertailen vnd absprechen gleicher l⁹ maynung vnd weise, wie söllich lehnschaft berierter pfrunde der wolgeborn graue Wilhelm grafe zū Montfort⁶ sälliger l¹⁰ lang zit ingehapt vnd von im also an vns gewachsen vnd komen ist. Also das nunfurt der bemelt V^olrich Zoller vnd sin l¹¹ erben sich söllicher gerechtigkeit der lehnschaft bemelter pfarr vnderziehen vnd versachen, söllich pfrunde vnd pfarr wie l¹² vnd wohin sy wöllen wol verlyhen mögen in allergestalt vnnnd besonnder die priester, so daruff belechnet absterben, irs l¹³ verlasen gūts erben, wie wir des alles bisher zū thūn macht vnd recht gehapt hand, von vns, vnsern erben vnd allermängk- l¹⁴ lichem daran gantz vngeirt in allweg. Dann wir vns fur vns vnd vnser erben hieruff gegen dem benanten V^olrichen l¹⁵ Zoller vnd allen sinen erben söllicher vnser gerechtigkeit vnd aller ansprach vnd vordrung, wir an bemelter lehnschaft l¹⁶ obgerierter pfrunde bisher je gehapt vnd furo wir vnd vnser erben darzū vnd daran gehalten vnd vberkomen könden vnnnd l¹⁷ möchten, gantzlich verzigen empfrömbt vnd begeben haben. Wir vnnnd vnser erben wollen auch des benanten V^olrichen l¹⁸ Zollers vnd sinr erben diser vbergaub vnd zūfugung bemelter lehnschaft, wie in söllichem rechtlich vnd gepurlich l¹⁹ ist, allweg vor allen gaistlichen vnd weltlichen luten, richtere vnd gerichtent recht verttiger vnd geweren sin in vnserm l²⁰ costen vnd one allen irn schaden. Wir haben ouch ditz begabung in gegenwertigkeit vnd bywesen vollstreckt vnd ge- l²¹ ton Petter Hardeggers vnnnd Martin Cappen. Des alles wir bemelten Petter Hardegger vnd Martin Capp bekennen, l²² ditz begabung als oblut in vnserm bywesen bescheen sin. Vnnnd des alles zū vrkund habe wir^{c)} Johans Petter graue l²³ zū Mösax vnnser aigen insigel diser obgeschribner ding aller zū warer gezucknus offennlich getan hencken an den l²⁴ brieue, der geben ist an dornstag nach

sannt Appolnnien tag nach Crists gepurt viertzechennhundert nuntzig vnd zway l²⁵
jaure.

^{a)} *Schrift verblasst, unsichere Lesung.* – ^{b)} *Initiale W 10,5/5,5 cm.* – ^{c)} *w korrigiert aus anderem Buchsta-*
ben.

¹ *Johann Peter von Sax-Misox, 1471-1504.* – ² *Feldkirch, Vorarlberg (A).* – ³ *Triesen.* – ⁴ *Vaduz.* –
⁵ *Werdenberg, Gem. Grabs SG.* – ⁶ *Wilhelm VIII. v. Montfort zu Werdenberg, 1447-†1483.*